



ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՊԱՏԱՐԱԳ ՄԱՅՐ ՏԱՃԱՐՈՒՄ ՍՈՒՐԲ ԷԶՄԻԱԾՆԻ ՏՈՒՆ

Էջմիածնի:

Հունիսի 8-ը, կիրակի, «տօն կաթուղիկէ Ս.

Ամառային վառ ու պայծառ օրերից մեկը: Մայր Աթոռ ռիստի է եկել հավատացյալների խումբ բազմություն: Ուրախ ու տոնական զոզանքում են Մայր Աթոռի զանգերը: Ամեն կողմ տոնական հանդիսություն և տրամադրություն:

Առավոտյան ժամը 11-ին Վեհափառ Հայրապետը եկեղեցական թափորով Վեհարանից առաջնորդվում է Մայր Տաճար՝ Ս. Էջմիածնի տոնի օրը հանդիսավոր սուրբ պատարագ մատուցելու:

Սկսվում է հայրապետական սուրբ պատարագը: Վեհափառ Հայրապետին սպասարկում են սրբազաններ, վարդապետներ և սարկավազներ: Հանդիսավոր ու դաշն երգվում է Նկմալյան պատարագը Մայր Աթոռի երգչախմբի կողմից:

Մայր Տաճարի աջակողմյան և ձախակողմյան դասերում տեղ են գրավել Գերագույն Հոգևոր Խորհրդի անդամները, պաշտոնական անձնավորություններ, հյուրեր, որոնց թվում տվտալորաբար Մայր Աթոռում գտնվող տեր և տիկին Սուրեն և Շաքե Գալենտերյանները, Հարվերտ համալսարանի պրոֆեսոր Ա. Սանճյանը և ուրիշներ:

«Հայր մեր»-ից առաջ քարոզում է Վեհափառ Հայրապետը:

«Յանուն Հօր և Որդույ և Հոգույն Սրբոյ, ամէն»:

«Ողջոյն տա՛ւ միմեանց
Ի համբոյ՛ր սրբութեան»:

Սիրելի՛ հավատացյալներ.

Այսօր մեր Ս. Եկեղեցվո մեծ տոներին մեկն է, որ կփառավորենք այս բազմադարյան Ս. Տաճարին մեջ: Այսօր տոնն է Ս. Էջմիածնի հիմնադրության: Այսօր, մեր հավատացյալ ժողովուրդը ցնծությամբ կտոնե Մայր Աթոռ Ս. Էջմիածնի հիմնադրության տարեդարձը: 1650 տարի է անցած այն օրեն, երբ այստեղ, Արարատյան դաշտի կուրծքին վրա, իջավ հեղեղ կերպարանքով Ինքը՝ Տերն մեր Հիսուս Քրիստոս և իր Ոսկի Ոտով բխեց երկիր՝ հիմք դնելով այս Մայր Տաճարին, որ այս հրաշալի դեպքեն հետո կոչվեցավ Ս. Էջմիածին: Մեր շարականները հոգեզմայլ կերպով կերգեն փառք այս մեծ տոնին՝ «Էջ Միածինն ի Հօրէ և յոյս փառաց բնդ նմա...»: Այո՛, Ս. Էջմիածինը հավատքի սյուն է, Ս. Էջմիածինը լուսո խորան է, Ս. Էջմիածինը փրկության ճանապարհ է և հավիտենական կյանքի աղբյուր:

Մեր բոլոր երանաշնորհ հայրապետները, սերունդն սերունդ, և մեր բանաստեղծները երեկ և այսօր գովք կերգեն, փառք կերգեն Ս. Էջմիածնի:

Հրաշալի է Ս. Էջմիածնի հիմնադրության պատմությունը, հերոսական է Ս. Էջմիածնի պատմությունը և փառավոր է այդ պատմությունը:

Հրաշալի են այն պարագաները, որով Գրիգոր Լուսավորչի և Տրդատ Գ-ի օրերուն, Գղարի սկզբին, հիմնվեցավ Մայր Աթոռ Ս. Էջմիածինը:

Հայ ժողովուրդը, Ս. Էջմիածնի հիմնադրության առաջին իսկ օրեն, իր հոգին ու միտքը կապեց ընդմիջում նոր ուխտին՝ Քրիստոսի Ավետարանին հետ և նոր հավատքի լույսով ոգեշնչված, նոր արժեքներ ստեղծեց ազգային ինքնուրույն գործով:

Հայ ժողովուրդը իր հոգին զարդարեց «իմաստովը Անեղին», նոր կյանք և նոր ձև տալով այդ իմաստին:

Հայ ժողովուրդի ֆրիստոնյա դառնալը մեծ նպաստ մը եղավ ամբողջ ֆրիստոնյա աշխարհի հաղթանակին ի խնդիր: Բայց հաղթության օրերուն հաջորդեցին փոքրակալից օրեր, երբ Ս. Էջմիածինը, իր ձեռքը առած ինքնապաշտպանության գործը, իր զավակներու նահատակության գնով պաշտպանեց իր նոր հավատը, իր եկեղեցին և իր Հայրենի Հողը: Մեր խոսքը կվերաբերի վարդապետաց հերոսամարտին: Բայց նաև այնուհետև, դարերու ընթացքին, Ս. Էջմիածինը օրհնեց և հաճախ գլխավորեց հայ ժողովուրդի ազատագրական մաքառումները՝ միշտ «վասն հաւատոց և վասն Հայրենեաց»:

Այսօր, մեր Մայր Հայրենիքին հովանիին ներքև, կապրի ու կհառաչդիմե Ս. Էջմիածինը, մեր վերածնած հայ ժողովուրդի ծոցին մեջ: Բարի են ժամանակները և խոստումնալից:

Այսօր հայ ժողովուրդը վերաշինության և վերելքի ուղիի վրա է և լուսավոր է մեր ապագան: Այլևս վերջ գտած են տխուր անցյալի բոլոր տեսակի դժվարությունները: Խաղաղություն կտիրե այսօր մեր փոքրիկ, բայց նվաճումներով մեծ Հայրենիքին մեջ: Մեր եկեղեցին այլ անմասն չէ այս ընդհանուր վերածնունդին և շինարար հառաչընթացին:

Այսօր, ավելի քան ուրիշ օրեր, Մենք վրաստան ենք, քե համայն հայ ժողովուրդի աչքերը սևեռած են դեպի այս Ս. Տաճարը Միածնաէջ: Անոնց հոգիին մեջ հավատքի, սիրո և հավատարմության լույս մը կհառագայրե: Մենք, իբրև Հովվապետ, մեծապես մխիթարված ենք մեր ժողովուրդի դեպի այս սուրբ հաստատությունը և Հայրենի Հողը ունեցած հավատարմությամբ:

Թող Աստված, որ հիմնեց այս Ս. Տաճարը, պահե, պահպանե մեզ բոլորս անփորձ և անխռով: Թող Տերը Մեր պսնդուխտ որդի-

ները ոգեշնչե այն վառ հույսով, որ երջանիկ օր մը անոնք բոլորը պիտի վերադառնան Մայր Եկեղիս՝ համբուրելու Իշման այս Ս. Սեղանը:

Մենք խոր հավատով ու լավատեսությամբ կապանենք այդ երջանիկ և պատմական օրվան, երբ Աստված հայ վաղովուրդի այս սուրբ իղձը իրակառություն պիտի դարձնե և Մենք բոլորս պիտի ապրինք իբրև մեկ ժողովուրդ, իբրև մեկ եկեղեցի, իբրև մի հօտ և մի հովիտ:

Սիրելի՛ ժողովուրդ, եկե՛ք, ձեր աղոթքը միացուցե՛ք Մեր աղոթքին և միատեղ ողջունենե՛ք Ս. Էջմիածնի այս սուրբ տներ:

Ողջո՛ւյն Ս. Էջմիածնին, լո՛ւյս Ս. Էջմիածնին, փա՛ռք Ս. Էջմիածնին այժմ և հավիտյանս, ամե՛ն:

Հավարտ սուրբ պատարագի, Իշման Ս. Սեղանի առաջ, Վեհափառ Հայրապետի հանդիսադրությամբ կատարվեց Մաղթանք Մ. Էջմիածնի: Մայր Տաճարի կամարների տակ մի անգամ ևս հնչեց Ս. Էջմիածնի և Ամենայն Հայոց Հայրապետության անսասանության և հավերժության նվիրված սուրբ աղոթքը՝ «Տէր մեր և Փրկիչ Յիսուս Քրիստոս, պահեա՛ր զՄայր Աթոռն մեր անարատ, անսասան և անաղօտ, ի պայծառութիւն եկեղեցեացս մերոց և մանկանցն սոցին մինչև ի կատարած աշխարհին»:

Եկեղեցական հանդիսություններից ավարտից հետո, Վեհափառ Հայրապետը մեծաշուք թափորով, հավատացյալ ժողովուրդի սրտաբուխ մաղթանքների և օրհնությունների տակ առաջնորդվում է Մաղկյա դահլիճը, որտեղ ընդունում է շնորհավորություններ Մայր Աթոռ Ս. Էջմիածնի տոնի ուրախ առիթով:

Վեհափառ Հայրապետը օրհնում է բոլորին, շնորհակալություն է հայտնում Մայր Աթոռի տոնի առթիվ արտահայտված անկեղծ բարեմաղթությունների համար և խանդավառ մթնոլորտի մեջ Ս. Գրիգոր Լուսավորչի առաջին կարգի աղամանդակուղ շքանշան է հանձնում Մայր Աթոռի բարերար հալեպարնակ պր. Սուրեն Գալենտերյանին, որը խորապես հուզված հայրապետական այս բարձր գնահատությունից, արցունքով ծնկի է գալիս՝ ընդունելու սրբազան նվիրյալ և Վեհափառ Հայրապետի օրհնությունը:

Երեկոյան ժամը 4-ին Վեհաքանոնում տրվեց պաշտոնական ճաշկերույթ Մայր Աթոռի տո-

նի առթիվ: Բաղմաթիվ հրավիրյալները
թվում են էին նաև պրոֆ. Սանճյանը և տեր և
տիկին Սուրեն և Շաքե Գալենտերյանները:
Ավելի քան մտերմական ու ջերմ մթնոլորտ
էր ստեղծվել սեղանի ջուրջ: Մի անգամ ևս
Աղզի սերը և Ս. Էջմիածնի խորհուրդը քով-
քովի էին բերել բոլոր սրտերը: Արտասան-
վեցին բաժակաճառեր, եղան արտասանու-
թյուններ: Հատկապես ջերմ ճառեր արտա-
սանեցին պրոֆ. Սանճյանը և պր. Գալեն-
տերյանը՝ Վեհափառ Հայրապետի անձի ու

գործի ջերմ գնահատությամբ և խորին հա-
մակրանքով:

Ավելի քան երկու ժամ տևող այս հաճելի
սեղանը քաղցր առիթ եղավ մի անգամ ևս
նկերշնչվելու Ս. Էջմիածնի անունով և խոր-
հրդով և նրա արժանավոր Գահակալ Նորին
Ս. Օծություն Տ. Տ. Վաղգեն Ա Ամենայն Հա-
յոց Հայրապետի գործով, հայ ժողովուրդի
և Հայրենիքի սիրով:

Սեղանը փակվեց Վեհափառ Հայրապետի
Տերունական աղոթքով:



2101-ԱՂ

